



Tel: 035/668 650

Fax: 035/668 672

Broj: 02-45-543/22

Čelić, 01.04.2022. godine

A. Izetbegovića 60-2. 75246 Čelić

E-mail: info@opcinačelić.ba

Na osnovu člana 72. stav 3, tačka b), člana 25. Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 39. Statuta Općine Čelić („Službeni glasnik Općine Čelić“ broj: 3/17), na Preporuku Komisije za nabavku broj: 02-45-543/22 od 01.04.2022.godine, u postupku javne nabavke radova “Sanacija poligona u MZ Gornji Humci, općina Čelić”, Općinski načelnik donosi:

ODLUKU

o dodjeli ugovora drugorangiranom ponuđaču

Član 1.

Prihvata se Preporuka Komisije za javnu nabavku broj: 02-45-543/22 od 01.04.2022.godine i Ugovor o izvođenju radova “Sanacija poligona u MZ Gornji Humci, općina Čelić”, dodjeljuje se drugorangiranom ponuđaču d.o.o. „Papilon“ Koraj-Čelić, ponuda broj: 25/22, zaprimljena na protokol ugovornog organa dana 04.03.2022. godine, po ponuđenoj cijeni, a nakon održane e-aukcije, u iznosu od 18.700,00 KM bez PDV-a.

Član 2.

Ponuđač iz člana 1. ove Odluke je u ponudi broj: 25/22 dostavio originale ili ovjerene kopije dokumentacije navedene u Tenderskoj dokumentaciji broj: 02-45-543/22 od 08.02.2022. godine.

Član 3.

Prijedlog ugovora o nabavci dostavit će se na potpis izabranom ponuđaču iz člana 1. ove Odluke po isteku roka od 15 (petnaest) dana, računajući od dana od kada su svi ponuđači koji su učestvovali u predmetnom postupku nabavke obaviješteni o izboru najpovoljnije ponude.

Član 4.

Ova Odluka stupa na snagu danom donošenja i objavit će se na web stranici općine Čelić, u skladu sa članom 70. stav (6) Zakona o javnim nabavkama („Službeni glasnik BiH“ broj: 39/14), istovremeno sa upućivanjem iste ponuđačima koji su učestvovali u predmetnom postupku javne nabavke.

Član 5.

Ovom Odlukom stavlja se van snage Odluka o izboru najpovoljnijeg ponuđača broj 02-45-543/22 od 09.03.2022.godine za javnu nabavku radova “Sanacija poligona u MZ Gornji Humci, općina Čelić”, koja je donesena od strane općinskog načelnika.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-45-543/22 od 07.02.2022. godine. Javna nabavka radova na projektu “Sanacija

poligona u MZ Gornji Humci, općina Čelić” provedena je putem otvorenog postupka. Procijenjena vrijednost javne nabavke iznosila je 32.000,00 KM bez PDV-a. Obavještenje o nabavci broj: 306-1-3-11-3-9/22 objavljeno je na Portalu javnih nabavki dana 08.02.2022. godine.

Komisija za javne nabavke imenovana Rješenjem broj: 02-45-543/22 od 07.02.2022. godine, nakon provedenog postupka otvaranja ponuda u skladu sa članom 63. Zakona o javnim nabavkama („Službeni glasnik BiH“ broj: 39/14), dostavila je ugovornom organu – općinskom načelniku Zapisnik o pregledu i ocjeni ponuda broj: 02-45-543/22 od 04.03.2022. godine, Preporuku o izboru najpovoljnijeg ponuđača broj: 02-45-543/22 od 01.04.2022. godine i Izvještaj o radu komisije broj: 02-45-543/22 od 01.04.2022. godine.

U postupku po Izvještaju o radu je utvrđeno da je Komisija za javne nabavke blagovremeno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku javne nabavke pristigle ukupno četiri ponude i to: „EKO PROM“ d.o.o. Brčko, d.o.o. „Papilon“ Koraj-Čelić, „Arapovac putevi“ d.o.o. Ratkovići i „KULA MONT“ d.o.o. Zenica,
- da su blagovremeno primljene četiri ponude,
- da nije bilo neblagovremeno primljenih ponuda,
- da ponude ponuđača „EKO PROM“ d.o.o. Brčko, d.o.o. „Papilon“ Koraj-Čelić, „Arapovac putevi“ d.o.o. Ratkovići i „KULA MONT“ d.o.o. Zenica ispunjavaju kvalifikacione uslove predviđene Tenderskom dokumentacijom, te su ocijenjene kao kvalifikovane i prihvatljive.

Pregledom i ocjenom ponuda nisu uočene računске greške kod ponuđača.

Obzirom da je tenderskom dokumentacijom za predmetnu nabavku predviđeno provođenje e-aukcije, Komisija je predložila ugovornom organu da istu zakaže dana 09.03.2022. godine u 11:00 h. Ugovorni organ je preveo e-aukciju u zakazano vrijeme i dostavio Komisiji izvještaj o toku i završetku e-aukcije 09.03.2022. godine u 12:33 h. U izvještaju je kreirana konačna rang lista ponuđača koji su učestvovali u e-aukciji, prema kriteriju najniže ponuđene cijene, a po kojoj je najpovoljniji ponuđač „EKO PROM“ d.o.o. Brčko sa najnižom ponuđenom cijenom od 18.600,00 KM.

Komisija je nakon ocjene ponuda i izvršene e-aukcije dana 09.03.2022. godine dala preporuku ugovornom organu da ugovor o izvođenju radova zaključi sa ponuđačem „EKO PROM“ d.o.o. Brčko sa najnižom ponuđenom cijenom u iznosu od 18.600,00 KM bez PDV-a, te predložila prihvatanje navedene ponude te shodno članu 70. Zakona, donošenje Odluke o izboru navedene ponude kao najpovoljnije za predmetnu nabavku. Ponuđač „EKO PROM“ d.o.o. Brčko je propustio da u ostavljenom zakonskom roku dostavi dokumentaciju koja je bila uslov za potpisivanje ugovora.

S tim u vezi, Komisija za javnu nabavku je dana 01.04.2022. godine dala preporuku ugovornom organu da ugovor o izvođenju radova zaključi sa drugorangiranom ponuđačem: d.o.o. „Papilon“ Koraj-Čelić, po ponuđenoj cijeni, a nakon održane e-aukcije, u iznosu od 18.700,00 KM bez PDV-a, te predložila prihvatanje navedene ponude.

U postupku donošenja ove Odluke, posebno su cijenjene činjenice da je Komisija izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Iz navedenih razloga, primjenom člana 64. stav (1). tačka b) Zakona o javnim nabavkama Bosne i Hercegovine („Službeni glasnik BiH“ broj: 39/14), člana 72. stav 3, tačka b) istog Zakona, člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj: 103/14) i člana 39. Statuta Općine Čelić („Službeni glasnik Općine Čelić“ broj: 3/2017), odlučeno je kao u članu 1. ove Odluke.

Uputstvo o pravnom lijeku

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke. Žalba se podnosi Ugovornom organu u pisanoj formi direktno ili preporučenom poštanskom pošiljkom i to u najmanje tri (3) primjerka.



OPĆINSKI NAČELNIK

Admir Hrustanović, dipl. oec

Dostavljeno:

1. Ponuđačima (4x)
2. Komisiji za nabavke
3. Službi za urbanizam, stambeno komunalne, imovinsko pravne i geodetske poslove
4. Za općinsku web stranicu
5. Evidenciji
6. Arhivi